

高氏族譜

唐山市西窑  
高各庄高氏  
族誼

磁州李士



公元兩件零九年十一月

印刷

舊曆己丑年秋九月

唐山市裕興印務有限公司快印部承印



高忠毅公

公諱 魏山西遼州五指里桃園村人洪武十七年舉  
孝廉授前軍都督府斷事建文初參贊李景龍軍軍  
務北伐討燕建文二年於淝河大敗燕兵晉司馬建  
文四年京師破自縊於驛舍葬濟南贈太常寺少卿  
謚忠毅遼州建有高司馬祠及衣冠塚濟南有七忠  
祠祀奉其木主

清修成明史贈謚忠節命地方官員祠祀

維水有源故派別支分川流不息維木有本故條長蔭遠  
繁衍常榮維人亦然溯厥初生誰非五帝三王之後按其  
世系宜明大宗小宗之分必承先而追遠莫忘乃啓後而  
傳世不紊我高氏原其受姓世族始於青齊考之儒林名  
賢著於東魯然年沿代遠譜牒既已無徵舍實徇名附會  
未免貽笑惟據高各莊命名伊始北老墳建立之初肇自  
前明永樂遷居北平逮至大清遜位世稱民國上下五百  
年來沿襲二十餘世雖目前行輩尚據譜而可稽恐後世  
子孫或數典而忘祖合族同心重修舊譜此係善舉書數  
言以為提倡

族人歲貢生高峙字學如弁言時年八十歲

中華十三年 舊曆甲子十二月二十七日

高 砥

鳳 崗

榮 耀

榮 庭

提倡人

榮 璽

振 山

壽 桐

振 成

玉 玲



序譜人

鴻磐

恩榮

鴻鵠

榛榛狉狉渾渾噩噩穴居野處飲血茹毛時當太初無種  
族之分部落團團各居一地或漁或獵或牧或遊時至近  
古始有姓氏之別蓋處世雖宜汎愛究當細辨夫親疎欲  
求追遠慎終尤宜深明乎系統非然者汎愛恐不勝其愛  
承傳亦恐無所本也我高氏一族藩衍於渤海沿岸承傳  
日久團結漸疎宗派雖親視同路人直魯分居儼如秦越  
大好承族竟呈渙散之象可慨也民國十三年秋高公槐  
卿等七人 名號見另頁 倡修家譜雲臺子安祝三三公親  
主其事曆時三月始告厥成 圖 時方教授於直隸第一中  
學寒假歸來適逢其盛爰誌數語以貢愚忱是為序

大中華民國十四年夏曆正月初十日

永平府中學堂畢業直隸法政專門學校畢業接收閩南  
事務處書記官福建全省營務處秘書直隸省立第一中  
學教員華北商業專門學校教授保獎六等嘉禾章高鴻  
圖 字獻瑞謹序

恢恢大寰國於其間者以萬計不有史乘何由考其立國  
之由來芸芸庶姓血統相傳者非一族不有譜牒何由詳  
其世代之支係况睦族之義自古重之所以厚人情敦風  
化者尤賴譜牒為之維繫何者同族之人平居則守望相  
助有事則憂戚相關但恐族大人衆散處四方代遠年淹  
或至不能相認有譜則人手一編考查最便雖世累百代  
地隔千里不難按譜尋識之且譜既立後世子孫時一披  
閱未有不油然而興愛族之念者直隸灤縣開平鎮西十里  
有吾高氏先塋原籍系山西遼州明永樂間遷移至此傳  
世五百餘年生息蕃衍族大人衆儼然成一巨村惟無正

式家譜誠屬憾事幸同族各支派或有木主或摹石碣不  
憚考查之煩彙成通譜乃醵資付諸手民刊刻成帙以垂  
永久而傳無窮且於睦族之義庶有合焉

民國十四年春族人高榮章謹序

夫宗族之有譜者猶國之有史乘史乘者可稽國之興衰  
族譜者可詳世代支系况水有所源木有所本為人者亦  
然慎終追遠本乎傳統吾高氏者得姓於周之姜齊家世  
清芬年沿代遠世系無攷惟據舊譜所載吾族本貫山西  
遼州明永樂中徙遷永平定居灤郡至今六百餘年生息  
繁衍已傳二十餘世雖不敢比肩於孔孟之族然世業耕  
讀忠厚傳家亦為鄉閭之望族附近之小官莊窰上莊李  
各莊冶里等處皆有吾族人聚居吾族曾於民國十四年  
修有族譜至今八十餘年矣譜中所列之人近乎歿矣余  
每靜坐窗下撫閱家譜感世事之變遷嘆枝葉之彫零不

免愴然同族伯勝賢侄亦有此感遂四處奔走多方尋訪  
且不顧古稀之高齡不遠千里赴祖籍考查歷數年欣有  
所成並得族中多人之助今欲彙成統譜且不以余愚陋  
屬余執筆共襄大計竊以為此舉上可報於列祖列宗其  
於後世子孫其功厥偉矣

維公元二零零九年

歲次己丑午月穀旦 族人高軍華謹序

序譜人

世榮

伯勝

軍華



明史錄

明史卷一百四十三列傳第三十一

高巍遼州人尚氣節能文章母蕭氏有痼疾巍左右侍奉至老無懈母死蔬食廬墓三年洪武中旌孝行由太學生試前軍都督府左斷事疎墾河南山東北平荒田又條上抑末技慎選舉惜名器數事太祖嘉納之尋以決事不稱旨當罪減死戍貴州關索嶺特許弟侄代役曰旌孝子也及惠帝即位上疏乞歸田里未幾遼州知州王欽應詔辟巍巍因赴吏部上書論時政用事者方議削諸王獨巍與御史韓郁先後請加恩略曰高皇帝分封諸王比之古制即皆過當諸王又率多驕逸不法違犯朝制不削朝廷綱